

思

適

齋

集

嘉慶辛酉儀徵相國撫浙延元和顧君澗賓及武進
臧君拜經錢唐何君夢華同輯十三經校勘記寓武
林之紫陽別墅余始與顧君訂交自時厥後於邗江
於金陵於吳門時復相見三十餘年中聚散不常蹤
跡若疏若密迨余移家來吳則君歸道山數載矣君
學問淵深辨證精博校刻各書如黃氏之周禮儀禮
國語戰國策易林孫氏之唐律疏義抱朴子古文苑
吳氏之韓非子列子胡氏之通鑑文選張氏之撫本
禮記秦氏之駱賓王李元賓呂衡州諸集皆精審不
苟舉世珍若璫璧獨文彙未嘗流播無繇得見道光

丙午始就其孫瑞清訪得之亟爲編排卷帙寫錄清本仍以原稿歸諸瑞清俾世守弗失屢約同人謀壽之梨棗尠有應者己酉初夏上海徐紫珊寓書於余慨然請任剞劂之事古誼肫然求之近世殆未易多邁感歎者久之乃校訂誤字以授梓人始事於閏四月歲工於十一月合詩詞賦雜文總十八卷生平校讎之學之深備見集中惜儀徵相國客冬騎箕天上不及見是集之成爲可痛耳尙有許氏說文攷異有待參訂未能並刻瑞清克守家學異日必將悉登諸板以永厥傳是則余所厚望也夫

道光二十九年己酉冬十一月海甯楊文蓀序

顧君墓志銘

李兆洛撰

鄭漁仲輯藝文略始附以校讐之名然其所言校讐之事惟編纂類例搜求亡書不啻灌灌則尙是目錄家也無與校讐事劉向別傳曰校讐者一人持本一人讀析若怨家相對故曰讐向於奉詔校理者必補其缺脫正其訛謬而條上之如以見爲典以陶爲陰甚者閏月爲門五日三豕爲已亥之類以後相承如潁容向朗鄭默唐則褚元量顏師古皆其選也然皆校正其字形而已繼乃有校者荒陋不守闕如之戒妄緣疑而致誤至剗肉而成瘡至有謬稱皇考妄易

銀根者本初無誤校乃致誤此自書有刊本輕加雌黃倘經三刻而古人之真盡失矣此亭林先生羅列改書之弊以爲後戒者也後來諸儒如惠氏半農戴氏東原從而張之故本朝讀書士共守此訓不敢妄改而讐校之事確然有所守故所刊書籍賢於前代遠甚至乾隆中極盛矣上自鉅卿名儒下逮博士學究無不通知此義一時如抱經學士懷祖觀察父子竹汀詹事無不兼擅其長而元和顧澗蘋學博尤魁傑者也先生名廣圻字千里以字行號澗蘋陳黃門侍郎野王之三十五世孫也曾祖沛祖松父文燧

俱業醫世爲吳人少孤多病枕上未嘗廢書人咸異之年十二隨舅氏鄭源濤侍御于京師弱冠南回從張白華先生遊館於程氏程富於藏書先生徧覽之學者稱萬卷書生焉不事科舉業年三十始補博士弟子員縣府試皆冠其曹繼從江良庭先生遊得惠氏遺學因盡通經學小學之義嘗論經學云漢人治經最重師法古文今文其說各異混而一之則轆轤不勝矣論小學云說文一書不過爲六書指示發凡原非字義盡於此欲取漢人經注作假借長編而未屬稿先生從兄之達字抱冲亦邃於學而多藏宋本

元本書先生一一訂正之刻列女傳以傳當是時孫淵如觀察張古愚太守黃蕘圃孝廉胡果泉中丞秦敦夫太史吳山尊學士皆深於校讐之學無不推重先生延之刻書爲孫刻宋本說文古文苑唐律疏議爲張刻撫州本禮記嚴州本單疏本儀禮鹽鐵論爲黃刻國語國策爲胡刻宋本文選元本通鑑爲秦刻揚子法言駱賓王集呂衡州集爲吳刻晏子韓非子每一書刻竟綜其所正定者爲考異或爲校勘記於後學者讀之益欽嚮爲漢學者往往不平宋儒而訾警之先生獨服膺焉徧讀先儒語錄摘其切近者爲

遜翁苦口一卷以教學者胷中博綜而能識之無遺
每論議滔滔不竭而是非所在持之甚力無所瞻徇
家故貧常以爲人校刻博精以食雖往來皆名公卿
未嘗有以自潤晚得類中症臥牀第者五年道光十
五年二月十九日卒年七十 兆洛 以道光二年客授
揚州先生時館洪賓華家爲汪孟慈校刻其尊人廣
陵通典所居相近故得朝夕握手焉向聞先生與金
門學使懋堂大令以言語牴牾竊疑其盛氣難近及
見之進退弼弼詞色嫵煦知先生徒以慤愿自守而
狹中護前者不能無所忤也先生嘗從容論古書訛

外處細若毛髮夢如亂絲一經剖析割然心開而目
明歎先生慧業一時無匹惜未及隨時鈔錄取爲學
者導師嗚呼今則往矣配韓氏卒於道光十五年八
月十九日年七十子四鎬餘殤孫四瑞清字河之從
余遊女四鈕寶順沈秉錕程雲燦張定海其壻也將
以 年 月 日合葬於一雲山祖塋之旁河之
請爲之銘先生所著多零星河之能守護之者銘曰
先生之學惟無自欺以誠而明不爲書欺惟無自欺
亦無書欺存其真面以傳來茲不爲書欺書無能欺
屏絕附會定其然疑書以益人通知古今登之梨棗

以無沈淪人以益書與稽與居非今欺今永無模糊
惟其不欺是以不苟安得古書盡經君手凡立言者
藉君不朽書有朽時先生不朽

思適齋集目錄

卷一 賦

百宋一廬賦 黃丕烈注

卷二 賦 詩

對床風雨圖賦

五硯樓賦

和彭甘亭贈句

附原詩

彭兆蓀

陳仲魚孝廉索賦經函詩率成廿韻

次韻答夏孝廉詞仲

附原詩

夏寶晉

次韻答郭頻伽

附原詩

郭麐

得子實書却寄

立秋日集白公祠爲山尊學士作

題戈小蓮紅袖添香夜讀書卷子廿六韻

題匪石履二齋聯吟卷用其所分明月幾時有

五韻各賦一章

題江韜庵小像

題貝簡香干墨龕圖廿韻

投壺夜飲圖廿四韻

題陳小雲香畹樓憶語

汪紫珊太守碧梧山館圖

汪月樵小詩龕看菊分體廿韻

採芝圖

庚午十月喜子絜子實至卽送其回南昌作

復翁詩一首卅六韻

琴南大兄見寄七言一首久病未和今次韻奉

呈

題小維摩詩稿

題千墨庵重摹七姬志石刻

卷三 詩

蔣伯生入關圖

題天涯芳艸圖送行

爲王簣山觀察題畫

夏紫仲竹巷舊居圖

題南陽諸葛廬圖

士禮居祭書分賦

張古餘先生賦詩見寄依體敬酬時道光丁亥

六月之望

附原詩二首

張敦仁

虎邱倉頡廟

金陵懷古

方葆巖制軍青溪放棹圖

快雪時晴消寒雅集分得九青韻卽呈月樵先

生正句

錢唐屠孟昭太守同客邗江索贈

小除日從故紙中得某人竹影詩七律一首次

韻戲作

爲瞿木夫題水閣訪刻圖冊

桃花庵觀荷分韻得五微

題江秬香新甫得碑圖次原韻

有感

重有感

紉之以釋六舟所寄唐盧元輔天竺寺詩韻屬

次時枕上有感因走筆率成一首

送瞿鏡濤三首

孫武私印爲淵如觀察作三首

題圓圓小像

王蓬心山水小幀爲楊補凡作

侯青甫畫竹及秋海棠各題二十八字

題品梅圖

走札索魚鬆於月樵三兄承卽見惠率成廿八字爲謝

題吳餘山小梅花庵圖

題秦澹生太史棲碧詞二首

題吳靜軒奚囊得句照

陳小雲蕪城餞別圖

松蔭讀書圖爲洪銘之題

題張樂讌賓圖所畫爲孫淵翁在畢秋帆幕中

事時淵翁沒已九年矣

毛叔美

慶善

以紅豆書樓圖屬篆冊首復系絕

句博粲

題袁君綬階味書圖小像

贈木夫仙臺通寶錢一枚并綴以詩

題敦翁梵寄圖二首

輓趙大令北嵐

題葛蓮青小照二首

卷四 詞

天香

藥銑

水龍吟

紅蕙

摸魚子

萍

齊天樂

笛

桂枝香

蟬

附和作五首

儀克中

臺城路

李子仙有門人畫金閨曉月便面屬爲追題

浪淘沙

爲龔定庵賦葉小鸞眉子研定庵時方談佛也

又

席上限韻同楊芸士作

虞美人

張髮仙將之江右出示虹橋泛月圖求題因爲述其意

又

謝文節遺琴今藏浙中吳氏

淒涼犯

銷寒集賦寒柝

唐多令

和江鄭堂韻

小重山

江鄭堂持畫蟬柳扇索題於時秋也卽景賦之

柳梢青

爲金簑伯題雙紅豆圖

齊天樂

題汪紫珊太守西園話別圖卷

百字令

用東坡韻題張子實孝廉蕭寺讀書圖

又

吳思亭索題竹垞圖阮雲翁所贈也幅中近日名公鉅作已多遂專取此意賦而應之並

次原韻

又

題吳思亭太白樓詩卷

蝶戀花

宋子庭揚州詞意圖

月下笛

過袁綬階舊居有感同戈順卿賦

踏莎行

無題

詠春光

題奉華亭四兄卽以爲壽時道光丙戌嘉平初吉調出鳳林書院元詞

卜算子

題采芝圖遺照爲金相堂作

大江東去

用東坡韻賦黃蕘圃移居圖

卷五 記 解

思適寓齋圖自記

與古樓記

洗桐軒圖記

松陵四君畫像記

珠湖漁隱圖記

遊虎邱山記

再遊虎邱山記

刻華仙元化畫像記

黃國珍注

重葺五烈祠記

惠松崖先生四世畫像記

漆沙硯記

雅頌各得其所解

卷六 書

與段大令論椒聊經傳書

荅張子絜問讀毛詩注疏書

與吳春齋書

與阮雲臺制府書

與趙味辛論韓詩外傳誤字書

與鄧溥泉書

與劉金門宮保書

與吳山尊學士書

與孫淵如觀察論九卷本古文苑書

卷七 序一

重刻宋本儀禮疏序

又後序

重刻儀禮注疏序

撫本禮記鄭注考異序

又後序

校定尙書考異序

釋名略例

補刊集韻序

校刊明道本韋氏解國語札記序

重刻剡川姚氏本戰國策并札記序

又後序

卷八 序二

汪本隸釋刊誤序

又後序

又後序

重刻奉天錄序

校刊華陽國志序

校刊輿地碑記目序錄

唐律疏義後序

重刻宋元檢驗三錄後序

重刊宋本名臣言行錄序

又後序

卷九 序三

重刻治平監本揚子法言并音義序

重刻鹽鐵論并考證序

又後序

重刻晏子春秋後序

韓非子識誤序

又後序

抱朴子外篇序

重刻古列女傳序

列女傳攷證序

刻焦氏易林序

又序

又後序

廣黃帝本行記序

軒轅黃帝傳序

卷十 序四

數書九章序

隋李播天文大象賦後序

重刻宋本雞峯普濟方序

又序

重刻宋淳熙本文選序

文選考異序

重刻宋九卷本古文苑序

駱賓王文集考異序

呂衡州文集序

又後序

新刊李元賓集後序

重刻古今說海序

卷十一 序五

逸周書補注序

蔡氏月令序

刻釋拜序

廣復古編序

通鑑刊誤補正序

廣陵通典序

人壽金鑑序

遜翁苦口序

徐公漱坡孝行錄序

開方補記後序

卷十二 序六

知不足齋叢書序

張月霄書目序

藝芸書舍宋元本書目序

石研齋書目序

古瓢錄序

彭甘亭全集序

半樹齋文集序

江鄭堂詩序

春草堂詩題詞

何寓庸所作願君步巖小傳後序

附原傳

何堂

卷十三 序七

詞學叢書序

巖小秋詞序

吳中七家詞序

戈順卿填詞圖序

詞林正韻序

四春詞序

西園感舊圖序

閉門研思圖序

壤堂讀書圖序

老復丁庵圖序

百花庵圖序

卷十四 題跋一

合刻儀禮注疏跋

書撫州公使庫禮記釋文後

禮記考異跋

重刻吳元恭本爾雅跋

書周漪塘所藏毛斧季手校本說文後

書正德乙亥抄本博雅後

附
原跋

急就篇跋

書宋槧廣韻後

書元槧廣韻後

題鈔本集古文韻

書影宋本國語後

影鈔安氏本戰國策跋

書元板胡三省注通鑑第八十卷後

題宋嚴州小字本通鑑紀事本末

宋本名臣碑傳琬琰集跋

吳越春秋跋

洛陽伽藍記跋

書季滄葦藏宋本輿地廣記後

書朱竹垞藏宋本輿地廣記後

雲間志跋

太常因革禮跋

影元槧鈔本元朝秘史跋

書律十二卷音義一卷後

卷十五 題跋二

宋本荀子跋

宋本淮南鴻烈解跋

宋板外臺秘要方跋

衢本郡齋讀書志考辨跋

古刻叢鈔跋四首

書清河書畫舫後

示兒編跋四首

長短經跋二首

書文苑英華辨證後

題金陵瑣事

張燕公集跋

王摩詰集跋

張曲江集跋

李太白集跋

明抄殘本李元賓集跋

歐陽行周集跋三首

讒書跋

一鳴集跋

附
原跋

笠澤叢書跋二首

孫可之集跋

唐文粹跋

嘉祐集跋

周益文忠公文集跋

姜白石集跋

書尙書撰異君奭後

書毛詩訓詁傳定本後二首

書段氏注說文後

書募李處士遷塋文啟後

跋徐侯齋與楊潛夫札子

題江艮庭先師遺札冊後

卷十六 碑跋

跋石鼓文

跋焦山鼎銘

跋祀三公山碑

跋元延二年銅尺拓本

跋重鐫天祿辟邪字

跋蜀師甄文

跋漢永壽礎爲李君摩崖刻字

跋新刻漢石經殘字

跋谷朗碑

跋李苞通閣道題名

跋脩佛龕頌二首

跋唐殘碑

跋萬年宮銘

跋碑陰二首

跋唐平百濟國碑

跋龍龕道場銘二首

跋鄭仁愷碑補金石萃編六十八卷作

跋唐碑三種

跋王慶墓誌銘

跋乙速孤行儼碑

跋道安碑

跋神寶寺碑

跋馮鳳翼等造象題名

跋內侍省功德碑

跋任令則神道碑

跋元林禪師碑

跋崑臺銘

跋三墳記

跋貞一先生廟碣

跋碑陰

跋溫估碑

跋二體石經周禮

跋葉紉之金石拓本冊

荅葉紉之論廣惠廟碑書

附

卷十七 策問 壽序 碑文 硯銘

策問四首

屠母楊太淑人七十壽序

硯銘九首

卷十八 墓誌銘 碣記 哀詞 事略

安徽布政使降補刑部福建司郎中世襲一等

輕車都尉蔣公墓誌銘

孝子戈君之銘

增貢生澈坡徐君墓誌銘

誥封朝議大夫卽用訓導芑堂程君墓誌銘

程養廬元配陸宜人墓誌銘

江都秦太史姬人端木氏墓誌銘

先考碣陰記

汪容甫哀詞

金洲溪事略

思適齋集卷一

元和顧千里澗蘋原名廣圻

賦

百宋一廬賦

子以嘉慶壬戌遷居縣橋構專室貯所有宋槧本書名之曰百宋一

廬請居士撰此賦既成輒爲之下注多陳宋槧之源流遂略鴻文之詁訓博雅君子幸無譏焉

吳縣黃丕烈注

佞宋主人

佞宋出述古堂書目序子恒引爲竊比故居士設此名也搜求經籍鳩

集藝文深識妙覽博學瞻聞折肱既更醉心有在東

都託始南渡斷代排比百種標榜一廬

此讀依徐仙民周禮音

傳之好事詫爲極觀乃有與行闌子

寓言踵廬而評

諸曰蓋吾聞善讀者之於書也并包自古貫穿及今

琢璞任手握珠委心祛鏤舟於來編悟斲輪於往牒

敏超閱肆識過亡篋縱有隋唐卷軸漢魏油素尙將

規檢迴次刊落抵牾是知惡札非苦俗本何病值摘

獲佳遭鉛斯正且夫相變者勢遞運者時殺簡忽其

告謝鏤版適以方滋而乃峻立哇畛強分堂堂豈貴

遠而賤近抑噉名而吐實辱在下風惑此莫釋敢效

其愚高明盍擇主人造然未有以云也時則思適居

士存焉

居士姓顧名廣圻元和縣學生喜校書皆有依據絕無鑿空其持論謂凡天下書皆當以

不校校之深有取於邢子才思將盱衡而誥爰有睟誤書更是一適語以之自號云

其容曰异乎客真所謂夏蟲難與語冰枯柏之鼠不

知堂密有美樅也

郭注爾雅引尸子此文枯本作松

在昔校領者依

中寫定者据故徐遵明之所往讀杜伯山之所愛護

用以發其深思於焉遂其好古自曩哲而固然非僂

指之勝數夫宋也者濬摹印之重源延轉錄之一脈

孳長興以萌芽拓顯德而增益貽後留真晞先襲迹

及靈光之猶存舍司南其安適

此四韻實顯宋槧之體用也夫書之言宋

槧猶導河言積石也上言之則東漢一字羣經經三

字羣經并典論鐫勒於石此一源也下言之則唐元

和壁經析堅木負墉而比之製如版櫝此又一源也

自是至于後唐長興九經刻版周顯德經典釋文雕

印既省傳寫之勞兼視豐碑爲便人事所趨勢固宜

爾於是終始宋代官私所造遍於四部玉海及馬氏

經籍考等詳其事焉就中卽有利病究之上承轉錄此其嫡脈故曰貽於後而留其真以睎於先而襲其迹也及今遠者千年近者猶數百年所存乃當日千百之一二耳幸而得之以校後本其有未經改竄者鮮矣夫君子不空作必有依據宋槧者亦讀書之依據也故北之以司南謂指南之車韓子書爲此稱矣奈何謾訛正以同歸昧精濫之殊致觸手斷鎖庫之珍瞥目乏驚人之秘耳域陬食心安陋肆指趣已爽

涉獵皆罄今將究深情宣至理勘利病讐臧否申長

見於主人啟未聞於吾子則有

舉此明後皆陳一厘之所有下文云亦有

云其餘又姬公禮經六籍冠冕高密家法傳注之選

厄繇難讀文襍句掬不覩嚴州絕學曷顯忠甫所載

則符節必合開成所勒則矩矱未偁

嚴州本儀禮鄭氏注十七卷每

半葉十四行每行大廿五字小卅字不等居士嘗跋其後云張忠甫校儀禮有監巾箱杭嚴凡四本今所存識誤稱嚴本者十許條以此驗之無一不合其爲嚴本決然矣云云亭林顧氏言十三經中儀禮脫誤尤多士昏禮脫婿授綬云云一節十四字賴有長安石經據補而其注疏遂亡又言卿射脫士鹿中云云七字士虞脫哭止云云七字特牲脫舉解者祭云云十一字少牢脫以授尸云云七字以爲此秦火之未亡而亡於監刻今考嚴本則各條固儼然具存也其餘補正注文者尤不可枚舉居士嘗采入所撰思適齋筆記後經史子三部

宏文學士悉情裁疏陳李聞

古書亦多有所采也

人紛紜失路官本復出景德旦暮列卷五十面目呈

露標經題注乃完乃具尋馬序於通考豁長夜而重

曙景德官本儀禮疏五十卷每半葉十五行每行廿七字每卷題唐朝散大夫行太學博士宏文館學士臣賈公彥等撰悉情裁疏者公彥等序中語也陳陳鳳梧李李元陽聞人間人詮散疏入注而注之分

卷遂爲疏之分卷又去疏所標經文起止蓋出於陳鳳梧明正德時事也而聞人詮李元陽因之萬厯監本汲古毛氏本又轉轉因之於是而馬氏經籍考所載儀禮疏五十卷又載其先公序曰得景德中官本儀禮疏四帙正經注語皆標起止而疏文列其下者舉世無復識其面目者矣先公貴與父名廷鸞今與其所得者正同末後名銜盈幅案之玉海悉符故事居士屢誇此書在宋槧中爲奇中之奇寶中之寶莫與比倫者也唯第三十二至第三十七凡缺六卷僅從魏了翁要義中粗識其大略耳亦有周

禮一官春秋泰半撫許劍之待懸帳籛金之莫換

殘大

字本周禮鄭氏注秋官二卷每半葉八行每行大十六字小廿一字舊許贈居士從兄抱冲道人之達未及而道人歿矣殘相臺岳氏本春秋經傳杜氏集解行字之數與覆本同所存一至六又十五至十八又二十三至二十六又二十九三十凡十六卷得三十卷之泰半也同縣袁廷壽壽皆甫亦有殘本而未能取之以月令第六昭公廿年玩索有得丹鉛所傳未

補

耕上曲死而賜諡隻字能排百朋奚啻

殘大字本禮

半葉十行每行大十八字小廿五字不等所存五至

八又十一至十五僅九卷予跋之云月令注未耕之

上曲也他本耕皆誤為耜賴此正之可知其佳也殘

小字本春秋經傳杜氏集解每半葉十四行每行大

廿三字小廿三字所存前後凡二十三卷又殘中字

本每半葉八行每行十七字所存前後凡十八卷若

以兩本相補唯少第十四卷耳其昭公廿年兩有與

閱百詩何義門所說死而賜諡皆合但未知當日所

見為穀梁附音之制爾雅單義之式先聲孕南支流

何本監本附音春秋穀梁傳注疏二十卷每半葉十

殿北行每行大十八字小廿三字官本爾雅疏十卷

每半葉十五行每行三十言此穀梁既并注疏又

附釋文其制與明南監所貯十行版大段悉同是孕

其先聲爾雅則邢義單行舊式猶在雖疏家支流實

為北宋之殿也居士前在阮中丞元十三經局立議

言北宋本必經注自經注疏自疏南宋初始有注疏

又其後始有附釋音注疏晁公武趙希弁陳振孫岳

珂王應麟馬端臨諸君以宋人言宋事條理脈絡粲然可尋而日本山井鼎左傳考文所載紹興辛亥三山黃唐跋禮記語尤為確證安得有北宋初刻禮記注疏及淳化刻春秋左傳注疏事乎今此賦所云即平昔議說文解字始一終亥無手迹於邵陵有舊觀論也

於東海隘林宗之重寫郵斧季之輕改收儲則一夔

已誇著述則三豕猶采小字本說文解字十五卷中

每行大十八字大小廿五字不等嘗別見國初葉林

宗奕所藏僅從此刻傳寫者耳近青浦王司寇昶家

乃有之極加寶貴幾流一足之譽也常熟毛氏初刊

頗與相近後經斧季展節次校改而大徐氏之舊觀

漸以盡失金壇段茂堂先生玉裁來寓吳中遂有汲

古閣說文訂之作宋本之妙固已洗剔一新即遇其

誤亦必反覆推尋不加遽斥夫以海內通儒談其專

業猶且伏膺鄭重鉛槧疲勞者如此然則有何末學

置喙地哉客曰今之說文皆許慎手迹乎事見南唐

顏氏家訓人不通古今而好為議論類如是耳

繫傳難弟楚金漣漫俄傾點竄侵尋碩果之辨不食

字林起寒山以把臂咨靈威以賞音殘本說文繫傳每半葉七行每

行大十四字小廿二字所存起通釋之第三十至末

几十一卷寒山趙頤光家舊物也此書尤延之呂太

史李巽巖皆言其斷爛闕誤時距小徐未為遠故曰

俄傾也今歙人有刊行之者正文尙脫落數百字又

經不學之徒以大徐本點竄殆遍真有不如不刻之

歎予得此本當即困學紀聞所云今浙東所刊得於

石林葉氏蘇魏公本者也非猶不食之碩果乎殘本

故云辨辨古辨字小學類故云字林耳予又有虞山

錢楚殷家所鈔完本鈕君樹玉曾借去校讀擊節浩

不置使槧本而完當復何如也鈕君家洞庭山

泖乙部連犖三家冒戒傷廉所取太奢此言史漢國志三家史部

之最而尙必取宋本焉故云傷於廉也漢書特善清祕留將是曰景祐

憂乎弗亡余承之上言觀洙之參詳僕嘗目驗若毛

若汪削長決贅補乙彌創招小宋以研精當悔下其

雖黃每之同而愈況胡項背之敢望

景祐二年本漢書一百卷每半

葉十行每行大十九字小廿七字末列秘書丞余靖

上言又張觀王洙皆預參詳中也每卷上下方皆有

朱校字最後復有墨書二行云右宋景文公以諸本

參校乎所是正並附古注之末至正癸丑三月十二

日雲林倪瓚在疑香閣謹閱居士曾為予細校汲古

本而予以汪文盛本佐證之凡於二本所削所補各

千百字推原其故景文之是正已屬有失無得烏論

後此者乃遞經大書深刻悉溷班書可不謂至誣乎

唯此本未經淆亂誠宜壓卷史部也之問元劉之問

其所刻流俗輒目為佳故居士偶涉之耳乙者以鉤

識去其字招舉

也讀如翹闕

良史實錄藉用識蜀乃本古以愜心

復字大以悅目

蜀大字本史記集解一百三十卷每半葉九行每行大十六字小廿字所

缺舊鈔補足又殘本僅有西南夷至汲鄭五列傳考汲古閣秘本目有蜀本大字史記云有缺未知與此

何如也 孤行吳志數冊仍六舉承祚之一隅反少期之

全局

單行本吳志二十卷每半葉十四行每行廿五字冠裴松之上三國志注表於首其下即按吳

書一云云乃當日專刻即汲古閣秘本目所載宋版

吳志六本者也舉一隅反全局言推異同之大凡承

祚少期文後漢翻雕秘書指蹤牒互孫宣班范關通

體之互耳 建塾敬室緻美罕同兼收並蓄炬疊規重

殘本後漢書每半葉

十行每行大二十十字小廿四字僅存紀入志三列傳

十五卷而已乃北宋年間翻雕景祐本也故行欵正

同又殘本二皆缺損已甚嘉定戊辰蔡琪純父所刻

也前仍列秘書丞余靖上言而行欵改為入行十六

字矣景祐校班范二書同時雕印予所藏班書前互

入乾興元年中書門下牒國子監文一通即孫奭以

劉昭注司馬彪志補章懷注范書故事也曝書亭集

謂此不自爽始以今考之則以彪補范誠始於劉而

以昭補賢實始於孫朱說疏矣又殘本二一但缺志

一缺損已甚而其中有志第二十二又第二十四至

末凡八卷每半葉十行每行十八字目錄後題云建安劉元起刊于家塾之敬室乃南宋精雕也此一書三刻而殘
本共五 緬劉昫之撰唐時罔新而邪舊緣歐宋以

易稱幾不察於相狃驟開卷而知益杖紹興之教授

殘本劉昫等唐書每半葉十四行每行廿五字僅存志十一至十四廿一至廿五廿八至卅列傳十五至

廿八卅八至四十七五十五至六十七七十八至八十三一百十五至一百十九一百二十九至一百卅四一

百四十下至一百四十四上凡六十七卷有零每卷未有題名云左奉議郎充紹興府府學教授朱倬校

正又有校勘人題名四行文繁不錄予跋之曰標題云唐書者昫等撰時本然蓋歐宋新唐書未盛行之

先無舊稱也覆本在明嘉靖莆田編年始末九朝流時不特多誤抑神氣索然矣

傳寓內夥矣胥鈔皆目升而綱降閎實混而名淆快

拜嘉於一諾飫良友之淳醪遂廿五以居乙引積薪

而解嘲

莆田陳均皇朝編年備考三十卷每半葉八行每行大十六字小廿三字編年下有空字

二格又殘本皇朝編年綱目備考每半葉八行每行大十六字小廿四字列目止於廿五卷後別爲一行

云已後五卷見成出售今於廿五卷中又缺其五所存者凡二十卷而已二本版刻不同皆宋精雕今世

通行傳鈔改大小字而一之又不可復知其有綱目之名失之甚矣完本初爲子友五硯主人袁壽皆甫所

藏後割愛見歸見可釋鑑音訓是優被抑身之耽與遂甲子舊有也

聞幽行明字繡終卷無脩哂舊史之枕秘謂未白乎

豕頭

史紹通鑑釋文三十卷每半葉十二行每行大

行而此書遂微其實胡所長地理若聲音訓故乃不

如史之有所受之也予別見同郡蔣姓所藏行間字

裏皆未若此本之明繡昔膠城舊史氏某公偶得一

新鈔本特註爲枕中秘曾請借觀堅不相許後既得

此因於予所畫得書圖跋語中稍斬

之而居士取以入賦也見可炤字

中興館閣錄續

系聯永樂大典證明匪全奪胎肖貌簡或閒編潛采

自鄮洵無譏焉

陳騏中興館閣錄十卷續錄十卷每半葉九行每行大小十入九字不等

書錄解題云續錄者後人因舊文增附之也錄缺沿革一門續錄缺廩錄一門永樂大典已如此矣居士從兄抱冲道人所藏乃毛氏影鈔精本惟貌惟肖者也然宋本誤裝續錄卷第七提舉編脩國朝會要一葉及提舉秘書省提綱史事二葉上入錄之七卷中而影鈔者竟改填板心字爲中興館閣錄云云以實之非見此本無由覆正也外此所見鈔本更非東家毛比矣故曰竹垞潛采堂以下等諸自鄮焉

雜記去聖雖遠杏壇三成堯顙親展愈求野於禮失

慨并官之久舛會叔節之書丹諗耶邑以數典

孔傳東家

雜記二卷每半葉十行每行十八字首列杏壇圖說詳讀書敏求記壇三重也遵王家所鈔今在抱冲道人小讀書堆而余所得未知卽葉九來宋槧否中載聖妃氏曰并官錢少詹大昕有言以韓勅碑考之字

本是并而今作开即聖裔有不知其誤者此尚未諒
故居士以為豈非劉子駿所謂不猶愈於野者也

子政列女深父發矇頌後有贊遂等俄空割資研之

和壁競南城之楚弓惜畫像之終佚進補亡於屏風

建安余氏勤有堂本古列女傳七卷續一卷每傳有
圖傳在圖之左右及下方行字之數不畫一此書是
王回深父據頌所定於是而顏黃門以為後人所羈
者始別在續內矣予初見此書從抱冲道人許有國
初人跋云余藏列女傳古本有二一得於吳門老儒
錢功甫一則亂後入燕得於南城廢殿中此則廢殿
本也近又簡吳中舊刻頌後有贊乃黃魯曾以已作
竄入與古文錯迕讀者習而不察久矣秦漢古書多
為今世安庸人駁亂其禍有甚於焚燎云云後子遂
從他所得此即所謂錢功甫本也又別見蔣篁亭杲
校本嘗兩及之云何義門處見之謂資研齋寶如雙
璧也居士為道人校讎重刊行世文悉仍舊即考證
亦別為卷獨定其畫像題顧凱之者為余氏補繪而
削去予依宋尚時時惜之故居士以為豈欲進補屏

風之亡乎乃意不之許也畫之屏風向頌義大序之一句歷代紀年十得其九自

序紹興今也烏有順理懸解陳錄乃剖也是疎略難

復辭咎殘本晁公邁歷代紀年卷二至十所缺第一

其自為序當紹興七年今未見以此序在首而亦缺

也此即述古堂舊物而敏求記但言紹興壬子樂清

包履常為之鋟木以傳不及自序之有無并所缺卷是疎略也土風清嘉維桑與梓

樂圃先生石湖居士圖經續前郡志肇始必文足以

能徵寧疵刊之徒恃幸宋子之導先喜葉公之見埃

汰懸磬之秕糠洗汲古之泥滓紹興甲寅本朱長文

每半葉九行每行十八字中間缺葉錢磬室手鈔補

足首有楷字長方印其文曰葉文莊公家世藏紹定

本范成大吳郡志五十卷每半葉九行每行大小十

八字述古堂舊物也圖經續記磬室會刊行志則汲

古閣刻之予最先得太倉宋賓王蔚如所校志知毛
据殘宋本開雕故如牧守題名脫落特多餘亦每與
此不合乃懸磬室中親藏宋槧圖經何誤外亦臨安
復不少耶明代刻本其不足徒恃有如此者

百卷分豆剖瓜海鹽嘗熟薈萃竹垞墜簡十七或亡

或賒不遘神膠詎容足蛇

殘本潛說友咸淳臨安志所存八十三卷每半葉十

行每行大小廿字又鈔補者十卷曝書亭集跋此書

日子從海鹽胡氏嘗熟毛氏先後得宋槧本八十卷

又借鈔一十三卷其七卷終闕焉今予所得較多宋

刻三卷矣然其餘十七卷或竟未見或雖鈔補而終

非宋刻唯聞長塘鮑君廷博所藏本內有宋刻六十

五六十六二卷爲出竹垞所見外不識天壤間其尙

有他本可嚴州故郡一名新定錢君可則成志氏姓

補足否也入山得寶斯癡宜吟飲然有懷食蹠之性

錢可則新定續志十

卷每半葉八行每行大小十八字編纂者爲方仁榮
鄭瑤其日續志者續董弁新定志也志卽嚴州圖經

錢少詹大昕論此曰宋人州志多用郡名標題其說是矣初書賈某甲業於杭之城隍山收雜志書數百種以帳寄示續志在焉予遂探得之每以波斯識寶自衍然圖經殘本首三卷近在某乙許因居奇差池亦用爲歎每展此書輒復

姚校短長抽其端緒懸諸

國門不朽盛舉永續命於剡川厚釋誣於雅雨方綴

學之共仰良無煩乎覩縷

刻川姚氏本戰國策三十卷每半葉十一行每行

二十字其注之所校又雙行分系於注下所謂注中有注者也癸亥年予影摹重刊又以正乙巳吳師道本互勘爲之札記詳列異同凡三卷於是而盧雅兩本竄入鮑彪所改及加字并抹除者各條始不復相牽溷矣此書與予庚申年刊明道本影鈔國語皆頗行於世蘭陵老師舊監經營

唐棐台庫瞠其先鳴擴紀聞之同異訂軒輊而爲平

懲餘姚之匍匐循故步乎熙寧

熙寧本荀子二十卷每半葉八行每行大

十六字小廿四字困學紀聞云勸學篇青出之藍作
青取之於藍聖心循焉作備焉玉在山而木潤作草
木潤君子如嚮矣作知響矣賦篇請占之五泰作五
帝監本未必是建本未必非餘不勝紀又云下監本
乃唐與政台州所聚熙寧舊本亦未爲善當俟詳考
此本之末有呂夏卿重校王子韶同校題名卽熙寧
舊本也建本與元纂圖互注者頗近明世德堂本又
從之出餘姚盧學士文弼合校諸本撰定開雕曾見
從此影鈔者而引之居士細加覆審其所沿革往往
可議故步一失無所持循凡合校之弊必至於此矣
新序經進年月具官庚寅焚如厯劫偏完裨益是正

奚止一端髯兮侈富於茲寒酸新序十卷每半葉十
一行每行廿字每卷

首題陽朔元年二月癸卯護左都水使者光祿大夫
臣劉向上第一卷後有國初人跋云舊本新序說苑
卷首開列陽朔鴻嘉△年△月具官臣劉向上一行
此古人脩書經進之體式今本先將此行削去云云
本紅豆舊物也後入延令書目可知未遭庚寅之炬
子嘗校之一過每與居士商推如戰國策札記所載

桃仁字之屬取資宏多矣陽山顧大有所藏亦宋槧後歸蔣辛齋氏賜書樓之書散出于嘗見之其刻差後遂多錯誤然則此真北宋槧也昔何義門手校據彼而未之有此故言何所見他宋槧極多而於茲有所不逮矣何用一授老則漢時結草注莊則晉代懸小方章其文曰髯

河易州深刻而齊軌貴少吳縣大書而合轍美多

建安

虞氏本道德經二卷每半葉十行每行大小廿字不
等河上公章句也予跋之曰如春登臺尚未誤倒與
唐開元易州石刻合因知其佳也南宋本南華真經
十卷每半葉十行每行十八字郭象注也以經典釋
文標舉之大字證之合者
居多矣吳縣謂陸元朗
冲虛錯互舉世相仍處度

敬順糾繆澠劃然分判使我伏膺吳都注後藐藐

眇明

冲虛至德真經列子張湛處度注八卷每半葉
十二行每行二十五字今世所行明世德堂本

注與唐當塗縣丞殷敬順釋文合并不復可以識別
盧學士羣書拾補以意分之不若此本未附釋文尤

爲確然而無誤也卷第五山始峙而不動一句俗
本皆脫而不動三字居士舉劉淵林吳都賦注有之
以相證謂列子善本無踰此今考玉海載祥符四年
官校列子事始其時之本歟居士嘗爲余言殷敬順
釋文乃宋道士碧虛子陳景元依託高解鴻烈蓋云
今賦文仍云敬順者不遽改舊稱也

善哉向貴蘆泉頓成陪臺憤道藏之贗鼎每張目而

一欵將高郵以助予臨欲借而遲回

小字本淮南鴻烈解二十一卷

每半葉十二行每行大二十二字小廿五字棟亭曹
氏舊物也相傳惠松厓絕稱明蘆泉劉績補注本惠
嘗見宋本者也其實劉出於正統十年道藏不如宋
槧遠甚近有妄庸人取道藏以已意塗竄增刪又多
造童牛角馬之字移易舊文刻板印行不知者遂曰
道藏爲真如此其貽誤何可勝言耶高郵王庶子引
之方事重校曾枉札相訊居士與黃門家訓篇廿卷
王不相知而頗諷予借與之也

七欣遇考證檢度繕密縮述古而稍布窘邊幅之小

失恢逸聞於書院喟共山其無匹

淳熙台州公庫本顏氏家訓七卷每

半葉十二行每行十八字後附嘉興沈揆考證一卷

凡三冊每冊首尾有省齋一印共山書院一印省齋

未詳共山書院有藏書目錄柳待制爲之序稱汲郡

張公不詳其名延祐三年參議中書省錢少詹大昕

補元史藝文志載之者也又每冊首尾紙背有一長

方鈐記云國子監崇文閣官書借讀者必須愛護損

壞闕失典掌者不許收受皆逸聞也末有何義門跋

云此書爲沈虞卿所刊虞卿紹熙中嘗以中大夫秘

閣修撰知吾郡見范志赴守題名又云虞卿自號欣

遇見楊廷秀朝天集近長塘鮑氏已用述古堂影鈔

本刊入知不足齋叢書第十一集然倦翁愧郊亦叢

就其叢書爲大小邊幅失之寔矣

長塘導源夢羽功歸濫觴岳珂愧郊錄十五卷每半

十一凡四卷皆鈔補餘尚有空白未補者十

葉卽鮑氏叢書底本也有楊氏夢羽一印

光遠鑑

戒鄉爲不腆流丹青而質實睠雲煙之過眼小字重

雕足本

何光遠鑑誠錄十卷每半葉十五行每行廿四字出
項氏天籟閣經阮亭竹垞諸老手題初居士從徐七
來家廉值得之旋爲其友程子世銓奪去鮑綠飲時
尙未與居士相識從程借鈔近亦刻入叢書其跋絕
不及居士且有程以厚價購得語當由不悉原委也
今其事已聞二十許年程薄宦江右而書轉展歸予
會屬居士補作一跋跋之尾句文瑩湘山元鈔未并
曰不能無雲煙過眼之感也

揮麈結銜朝請明清認諱圖畫添序茅亭津逮率爾

革祕之名

釋文瑩重雕改正湖山野錄三卷續一卷每半葉九行每行廿字宋刻上卷三葉起

至中卷二十三葉止凡四十七葉餘五十三葉元人補鈔有跋云至正十九年六月十九日覽訖殘本揮塵後錄所存僅第一第二兩卷三錄三卷全每半葉十一行每行廿字卷首題朝請大夫主管台州崇道觀汝陰王明清一行臨安府陳道人書籍舖刊行本郭若虛圖畫見聞志六卷每半葉十一行每行廿字遇宋諱皆闕筆翻本不如是矣黃休復茅亭客話十卷每半葉九行每行十八字末有石京後序一篇以

上四種皆經汲古毛氏刊入津逮中然湘山野錄
季重用前本手勘者今亦在予家錯誤無慮數十百
處也其餘大率類是故居士以醫藥方論載網載羅
為秘書之名即革之斯可矣

乾道傷寒淳熙產科專門疇覺遑計其他李樞傷寒

每半葉九行每行十六字末葉有二行云右傷寒要
旨一卷藥方一卷乾道辛卯歲刻于姑孰郡齋此書
載書錄解題陳氏曰皆不外仲景也朱端章衛生家
寶產科備要八卷每半葉九行每行十五字末卷有
三行云長樂朱端章以所藏諸家產科經驗方編成
八卷刻板南康郡齋淳熙甲辰歲十二月初十日錢
遵王言其首列借地禁草禁水三法活人問答之叢
今罕有行之者亦罕有知之者矣

殘事親圖說之戢香得十便於大衍貴千金於備急

類秘要於鄴臺僉有藩之可拾殘本重校正活人書

九字所存十至十二二三卷書錄解題云南陽活人
書十八卷朝奉郎直秘閣吳興朱肱翼中撰以張仲

景傷寒方論各依類聚爲之問答也晁氏讀書志云
二十卷今未知孰是殘本張從正儒門事親所存二
十一葉自撮要至扁華訣凡七目有毛子晉印章汲
古閣秘本目錄宋板醫家圖說一本卽此也殘本十便
良方每半葉十三行每行廿二字所存十一至十七
又廿一至廿三凡十卷其目尙存蓋本四十卷勵得
四之一耳其序乃鈔補稱附益紹熙孫稽仲所集大
衍方果得其便凡十焉末署慶元乙卯十月二十四
日汾陽博濟堂書作者姓名未詳孫名紹遠大衍方
載書錄解題殘本新雕孫眞人于金方每半葉十四
行每行廿四字不等所存一至五又十一至十五又
二十一至末凡二十卷以錢述古鈔本千金備急要
方校之尙鮮有一處符合者可稱奇秘矣人命至重
有貴千金思邈自序語也殘本外臺秘要方每半葉
十三行每行廿四字所存但目錄及第廿二卷耳近
聞居士爲陽城張古餘先生敦仁以廉值獲泰半部
心馳神往於一見矣以上五書皆缺損已甚故等之
於拾藩拾藩字本出左氏傳而此所用意有小異也
龍經史與百氏羌更僕而未殫苟泛言以及集又文

海而詩山

此二韻爲下文其餘又有張本也

爾其陶誠實世籤題元

筆規往之外几塵屢拂

陶淵明集十卷每半葉十行每行十六字汲古閣秘本目

云與世本實然不同如桃花源記中聞之欣然規往今時本誤作親謬甚他如此類甚多籤題係元人筆

不敢易去云云即此本也最後附曾絃說一首云親友范元義寄示義陽太守公所開陶集末署宣和六

年是北宋槧矣宋宣獻言校書如拂翰林歌詩古香几上塵旋拂旋生即此說中語也

溢紙濡染亂真對此色死

元豐三年臨川晏氏本李太白文集三十卷行字之

數與康熙中繆氏覆本同繆嘗用以亂真然特不可以對此耳九家杜注寶慶漕錢

自有連城蝕甚勿嫌

殘本新刊校定集注杜詩每半葉九行每行十六字所存五十

五葉即寶慶乙酉曾噩子肅重摹淳熙成都本刊于南海之漕臺者也敏求記稱其開板宏爽刻鏤精工

洵然惜缺損已甚耳自有連城者斷章於遺山詩

王沿表進移氣麻沙秀句

半雨夙假齒牙

王右丞文集十卷每半葉十一行每

搜求其兄詩筆隨表奉進此刻是麻沙宋板送梓州

李使君詩亦作山中一半雨樹杪萬重泉云云皆見

敏求 孟出史院謹脫覆瓿抉剔其妙辰翁却走然詩

集三卷每半葉十二行每行廿一字有翰林國史院

官書楷字鈐記嘉定瞿中溶鏡濤甫見之曰此元時

印也存於今者僅矣僅僅同字予以校元刻須溪先

生批點孟集乃知辰翁強分門類遂致全篇或脫或

衍字句閒更 昌黎數四百衲之裔別加點勘須茲起

不足言矣

例殘大字本昌黎先生文集每半葉十行每行十八

字所存卷二十二至卷二十六而已傳是樓舊物

也又殘小字本昌黎先生集每半葉十一行每行廿

字所存卷一至十字畫方勁而未有注當是北宋槧

又殘本同前刻所存第三十九第四十兩卷又殘本

朱文公校昌黎先生集每半葉十二行每行廿一字

所存卷十一至末子欲以四殘本相補完故曰可作

述古堂主人百衲史記之流裔也別加點勘者郡前

輩陳少章氏先已著有韓集點勘也又張古餘先生
向得殘本今年春曾許與南宋殘本九章及張邱建
孫子筭經一併脫手見贈介居士及袁壽皆甫易校
子新得殘本太平御覽助孫淵如先生星衍付刻於
山東後經某人基之不廬山長慶見取六丁金華太
果某人者予舊學徒也
史獨著精靈殘本白氏文集每半葉十一行每行廿
一字所存十三至十六又二十一至二十六至三
十四又五十五至五十八凡十七卷長慶集北宋時
鏤諸版所謂廬山本者庚寅一炬種子斷絕唯此金
華宋氏景濂所藏小宋版圖記宛然古香可愛推
希世珍矣事詳敏求記其所數存卷有誤今正之
客碑文受教名儒以石攻錯乍彰其瑜殘本劉夢得
文集每半葉
十二行每行廿一字所存一至四而已曩者錢少詹
大所借讀明刻完本劉集於予手校袁州萍鄉縣陽
岐山故廣禪師碑文疏於別紙云石刻與刻本不同
者二十餘字多五十餘字今宋本雖未能盡爾然與
明刻異者必
與石刻同
五言長城未墮文房雜著附見知勝建

昌

殘本劉文房文集每半葉十二行每行廿一字

存

五至十凡六卷書錄解題云劉隨州集唐隨州

刺史

宣城劉長卿文房撰詩九卷末一卷雜著數篇

而已

建昌本十卷別一卷為雜著于別藏臨何義門

校

即據建昌本以相次道序後貞曜增重彼哉玩物

覆

勘知此為勝也

廁

諸骨董小字本孟東野詩集十卷每半葉十一行

宋

敏求後序及本傳貞曜先生墓誌各一首曾藏於

延

令季氏亦入傳是樓蓋疊為真賞家所重矣又有

安

麓村一印敬輿中書文饒一品事涉經濟不厭其

安

賣骨董者

審

殘小字本陸宣公奏草五六兩卷又中書奏議五

六

兩卷每半葉十二行每行廿二字汲古閣舊物

也

殘本會昌一品制集每半葉十三行每行廿二字

所

存一至十凡十卷此二種予悉嘗用以手勘他本

語

人云不敢因其缺損已甚而忽之豈胡曾咏史廣

特

依宋亦以重二公也今為賦所取

陵

贖餘米評陳注興歎翳如注胡曾詠史詩三卷每

半葉十一行每行大廿

二小廿七字延令季氏舊物也首題前進士胡曾著述并序邵陽叟陳蓋注詩京兆郡米崇吉評注并續歸余也詩凡一百五十首起烏江終滎陽雖小可

觀睦親之坊唐求味江山人幼微咸宜女郎昭諫甲

乙用晦丁卯泊朱慶餘一一妍好唐山人詩一卷女郎魚元機詩一卷

甲乙集十卷許丁卯集二卷朱慶餘集一卷每半葉十行每行十八字皆臨安府棚北大街睦親坊南陳

宅書籍舖印行所若乃觀溫國於徐盧箴傳家之膏謂書棚本是也

育溫國文正司馬公文集八十卷每半葉十二行每行廿字首為劉嶠序次為進司馬溫公文集表表

第一葉間有朱書一行云洪武丁巳秋八月收鈴以小方章一文云徐達左印又大方章一文云松雲道

人徐良夫藏書卷第八十後副葉有墨書三行云國初吳儒徐松雲先生收藏溫公集八十卷缺九卷雍

謹鈔補以爲完書云宏治乙丑秋九月望日石湖盧雍謹記予得之以嘉慶丁巳暇日偶校舊鈔傳家集

觸處見誤近刻復何足道耶書
之可稱祖本者唯此種是矣
睪石林之奏議鬱剝

落而生芒

葉夢得石林奏議十五卷每半葉十行每
行廿字每行次行題模編二字後有跋末

署開禧丙寅六月既望姪孫朝奉大夫改差權知台
州軍州兼管內勸農事借紫箋謹書此書陳直齋著
於錄近汲古閣秘本目載影宋精鈔此較
勝之矣居士頗惜其紙板有剝落處也
神子適之

渭南叶告夢之殊祥

渭南文集五十卷每半葉十行
每行十七字前有有序一首署嘉

定十有三年十一月壬寅幼子承事郎知建康府溧
陽縣主管勸農公事子適謹書此是家刻故游字皆

去末筆白堤錢聽默書賈之多聞者也語子曰相傳

庚寅一炬之先放翁示夢於汲古主人曰有渭南文

集一部在某所可往借之遂免於厄噫文人結習撫
有如是哉通體完好中有闕葉錢叔寶手鈔補足撫

劔南以作貳俾搢連之就匡

殘本新刊劔南詩稿每
半葉十行每行廿字所

存一至四又八至十又十五至十七凡十卷前有淳
熙十有四年臘月幾望門人迪功郎監嚴州在城都

稅務鄭師尹序一首書錄解題云劍南詩藁二十卷
止淳熙丁未續藁六十七卷自戊申以及其終當嘉
定庚午其幼子適續刻之今經汲古毛氏一槧合刻
面目無復存焉者矣此雖殘帙猶可考其初不提連
也躋友林之逸品儷聲價於吉光史彌寧友林乙稿一卷每半葉入行
每行十六字子又有覆本行字相同潛挈堂題跋稱
在都門所見即覆本耳真本流麗娟秀兼饒古雅之
趣在宋藁中別有風神未容後來摹倣也予跋之目
爲逸品又考趙希弁讀書附志云友林詩藁二卷有
黃景說會丰序今詩既一卷裂梁溪之卅八孰斯文
又無此序佚其甲稿無疑矣

之可喪

殘本梁溪文集每半葉九行每行廿字凡三

雍正己酉下榻衍聖公之九如堂詢知梁溪文集爲
舊族高陽相公持去高陽諱霽越十餘年過上谷所
屬之地高陽府第半屬荒基而是集猶在因以厯歲
所餘館穀與之而是集始得返趙云云觀此可知其
珍重也然實經割移卷第而跋未知之今子就版心
字跡釐正焉古律詩九十兩卷爲第十三十四表割

奏議三至十四爲卷第四十一至五十二又廿四至
卅二爲第六十二至七十又五十三至六十爲第九
十一至九十八又六十二爲第一百迂論四爲第一
百四十八又九十兩卷爲第一百五十三一百五十
四題跋上中下爲第一百六十一至一百六十三書
錄解題云百二十卷趙希弁讀書附志云百七十卷
此卽百七證擊壤於泰興殘本伊川擊壤集每半葉
十卷之本證擊壤於泰興十行每行廿一字所存三
至六凡四卷而已泰興季氏舊物也延令目云宋邵
康節擊壤集二十五卷卽此彼時蓋尙完然考是陳
及馬氏著錄護乖崖於崇陽殘本乖崖先生文集每半
五乃衍字護乖崖於崇陽葉十行每行廿字所存一
卷至六卷以下至卷十二皆賜書樓舊鈔本也讀書
志十卷陳直齋云近時郭森卿宰崇陽刻此集舊本
十卷增廣并語錄爲十二卷今此本前有咸淳乙巳
中春朔邑子朝散大夫特差荆湖安杭大吏司主管
機宜文字權澧州軍州事賜緋龔夢龍序云前令君
天台郭公森卿嘗聚真郡齋已未兵燬遂爲煨燼今
令史左綿伊公賡曰儒術飾吏復鋟梓奇兩探於真
以壽其傳是郭本之重刻於崇陽者也

魏西山先生真文忠公文集五十五卷每半葉十行
又五十二至五十五皆鈔補而第五十一全卷盡缺
考書錄解題經籍考皆五十八卷延令目乃云五十
一卷今宋槧前後凡存四十二卷而止於卷之第五
十鈔補未知所出無以訂此也鶴山先生大全集一
百十卷每半葉十一行每行廿字首有淳熙己酉宛
陵吳淵序第一卷首缺損一葉又四行其第五行始
爲寄題雅州胥園云云而明邛州刻本竟以此題爲
首誤甚矣惜缺十八十九卅五至卅八四十三至四
十六五十五至五十三七十五至七十七一百八凡十
八卷西山與鶴山並稱洵南宋之兩大儒也予皆得
其集之善本異三摯乎豫章殘本豫章黃先生文集
亦足以豪矣
字所存一至十四又十七至十九凡十七卷其第一
卷末有山房李彤洛陽朱敦儒正是一行殘本豫章
黃先生外集每半葉九行每行十八字所存一至六
而已第六卷末葉爲書賈所去別以第十四卷末葉
足之因此葉後亦有山房李彤云云一行自詭於全
帙也延令書目載後集六卷殆緣是歟然其所載山

谷集三十卷則未缺今不知在何所殘本任淵山谷
黃先生大全詩注每半葉十一行每行大廿字小廿
四字所有存卷一至十八其後皆缺每卷中復多缺葉
末葉有粘籤一條云一本永樂二年七月二十五日
蘇叔敬買到抱冲道人得南城廢殿本古列女傳有
此卽載於敏求記者其外未聞更見於他書也子嘗
攜就小讀書堆驗文考信於南卿殘本王阮義豐文
之字跡正出一手
行十八字所存五十八葉前有淳祐戊申大梁趙希
至叙後有淳祐癸卯吳愈叙通體均遭割補文僅未
半葉與前半葉和淵明詞云云初不連屬缺損已甚
矣元書幾卷無從考見惟程史以爲阮所作詩號義
豐集刻江洋校官馮椅爲之序者詞傳疑於立方殘
有詩無文決非此本也南卿阮字詞傳疑於立方本
侍郎葛公歸愚集每半葉十二行每行十二字所存
五至十三凡九卷漁洋山人居易錄云宋葛立方常
之歸愚集十卷詩四卷樂府一卷騷賦雜文一卷外
制二卷表啟二卷今宋槧無樂府而予藏汲古毛氏
精鈔宋人詞百種中有之卽刻入六十家者也或是
傳鈔者取以附益耳書錄解題二十卷此槧當與之

同但不識樂府
在缺卷內否
諦樂城而小字
殘本樂城集每半葉

所存前集共八卷後集所存九至廿一行每行十八字
刻於文中年月官銜任意刪削殊不耐觀予別從抱

冲道人處見一殘冊披益公而疏行每半葉十行每
其字較大亦未槧也

行十六字所存者爲省齋文稿一至八又廿八至卅
六平園續藁一至十五又廿七至卅又卅六至四十

玉堂類藁六至八又十一至十三厯官表奏一至五
又十至十二承明錄一至六書稿九至十一附錄五

卷凡六十九卷疏行大字軒爽悅目予又嘗別參寥
見歐集於某所欸式悉同此殆倣彼而爲之也

歸攝六之物參寥子詩集十二卷每半葉十一行每
行廿四字驗其收藏最先爲蓮鬚閣舊

物有黃子羽讀書記小印也子羽名翼攝六是其號
此印前湘山野錄亦有之凡各書圖記唯涉賦文乃

加詳述餘或有偶及者然多不盡也致道返淮東之
如此書并有季滄葦徐健菴名氏章
藏北山小集四十卷程俱致道撰每半葉十行每行
廿字用故紙刷印錢少詹有跋云驗其紙背皆乾

道六年官司簿帳其印記文可辨者曰湖州司理院
新朱記曰湖州戶部贍軍酒庫記曰湖州監在城酒
務朱記曰湖州司獄朱記曰烏程縣印曰歸安縣印
日監湖州都商稅務朱記意此集板刻於吳興官廨
也紙墨古雅洵是淳熙以前物云云卷尾有黃氏淮
東書院圖籍印未詳其為何人上句曰歸此曰返者
由吾宗以伊駢列以十數悉求是之康莊言宋集而
取義也伊駢列以十數悉求是之康莊言宋集而
信最確不至於宣城之三謝唐庚集三謝詩一卷每
假他塗也至於宣城之三謝半葉十二行每行廿二
字卷中有嘉泰甲子郡守譙令憲重修云云所謂宣
城本者是也子得於蔣氏貯書樓篋亭有手記字數
行在京兆之五竇寶氏聯珠集每半葉九行每行十
末葉京兆之五竇寶氏聯珠集每半葉九行每行十
門校汲古閣刻其跋云康熙辛卯春日購得葉九來
所藏宋本乃願大有舊物因改正五十餘字中行杏
山館聽子規一篇諸本皆脫去尤可笑者和峴王崧
二跋中大天字皆訛為大夫人不通今古其陋乃至
此耶云云今覆案之誠然其使君之才調才調集十
聽子規詩乃竇常之末篇

十行每行十八字卷二至卷五為宋槧餘鈔補第一
卷有季振宜藏書一印合諸延令目云才調集十卷
四本宋本鈔衲子之宏秀殘本唐僧宏秀集每半葉
補知其卽此衲子之宏秀十行每行十八字缺後二
卷并缺第一卷一葉又半葉敏求記載元人鈔本十
卷云寶祐第六春荷澤李龔和父編蓋完帙也唯汲
古閣秘本目影宋板精鈔不荆公之百家殘本唐百
著其完與殘未知何本耳荆公之百家家詩選每
半葉十行每行十八字所存一至十一凡十一卷首
有楊蟠序商邱新刻所無餘亦相去涇庭又有分類
宋槧殘本在洪氏之萬首殘本萬首唐人絕句每半
小讀書惟洪氏之萬首葉九行每行廿字所存前
後凡三十六卷而序及目錄完好無恙敏求記言曰
錄二卷七言七十五卷五言二十五卷六言一卷趙
宦光所刊統而一之譏其好自用誠哉是言也明嘉
靖時有覆宋本者規模未改勝趙刻遠甚然終不若
此之唐粹則一朝文粹一百卷每半葉十五行每行
可寶唐文粹壹部計貳拾策已委官校正訖紹興
九年正月△日其名銜文繁不錄嘗見何義門小山

兄弟皆用此以校明刻本朱字爛然至於盈紙子近亦思手勘一副本而逡巡未就乃知前人用功之勤亦有未可

宋選則衆手

小字本聖宋文選三十三卷每半葉十六行每行廿八字

無序目并撰錄人姓名凡選十四家歐陽永叔二卷

司馬君實三卷范希文一卷王禹偁一卷孫明復二

卷王介甫二卷余元度一卷曾子固二卷石守道三

卷李邦直五卷唐子西一卷張文潛七卷黃魯直一

卷陳瑩中一卷此書徐立齋舊物也近從武進趙司

馬懷玉所歸於予又嘗別得殘本同此一刻缺卷七

至十一王禹偁孫明復王介遇其全可以樂遭其缺

甫三家他日當影鈔補足之

可以守冶金鐵而必精流纖洪而均受

言總集類八種全缺參半

其書亦非一致特

其餘又有朱楊之易徐解拾遺

朱子

因宋槧並收也

易學啟蒙上下卷每半葉七行每行十五字卷首自

序一通末署雲臺眞逸手記亦逸聞矣張先生校正

楊寶學易傳二十卷每半葉十行每行廿一字張先

生者誠齋門人張敬之顯父也前有淳熙戊申誠齋

自序及奏劄此二種宋人說經之末紅豆累跋河汾

表微文中子十卷每半葉口口每行口口字紅豆舊

世行本出安陽崔氏者經其刊定駁亂失次不復可

觀今人好以已意改竄古書雖賢者不免可嘆也其

一云云乃論王統和手鏡方遼庶幾龍龕手鑑四卷

通也茲不具錄行大小卅字不等上聲一冊汲古毛氏精鈔補足相

傳此書遼刻元名手鏡宋刻改為鑑今驗此標題是

宋而非遼矣敏求記所載與此正同乃遵王仍以契

丹鏤板說之豈因首列統和十五年丁酉七月初一

癸亥燕臺憫忠寺沙門智光字法炬序遂以為據耶

序云猶守持於鸞鏡鏡字但缺一筆而不改則又何

也四六餘話非槩猶稀

雲莊四六餘話不分卷每半

楊困道深仲末題幔亭黎夢庚秀伯校正此書不見

於諸家著錄唯述古堂目有之云一卷鈔益知宋槧

之為罕一冊垂丞相之型漢丞相諸葛忠武侯傳一

秘矣

字凡卅三葉為一冊文三橋舊藏也此傳宋廿葉感

侍講張枋所為其詳在書錄解題傳記類

左徒之躅錢果之離騷集傳一卷每半葉九行每行十八字凡廿一葉云廿葉舉大數鮑氏刊

入叢書即從此出汲古閣舊物也予得之桐鄉金主

事德輿家卷首有畫蘭一幅香草以配忠貞其斯之

歟謂蔡撮鑑而甫知文子袁氏通鑑紀事本末撮最八

字首列兩行一云建安袁樞機仲編一云建安蔡文

子行之撮各家書目所未載有毘陵周九松藏書一

印劉苑詩而纔聞伯玉詩苑芳每半葉九行每行十五字無序目卷數凡詩廿

四家首長樂潘氏終古沐吳氏署云吳郡梅愚齋增

溪劉瑄伯玉敬編亦各家書目所未載也

注之三賦大字本王十朋會稽三賦注不分卷每半葉九行每行大十八字小卅二字不等注

中有注三賦者會稽風俗民事堂蓬萊閣也前有嘉定丁丑愚齋史鑄序云風俗一賦雖有刻溪周君為之注惟以表出山川事物為意而公之文章以經史百家之言盤屈于筆下者殊未究其根柢暨民事蓬

萊之作其注又闕然無聞由是不揆
燕淺輒皆爲之注云云周名世則
梅山校正之尺

贖李學士新注孫尙書內簡尺贖十六卷每半葉十
二行每行大廿字小廿五字無序文及刊刻年月

目後有蔡氏家塾校正六字予向有鈔補序一通云慶元
厯庚午本所校之明刻其首有鈔補序以之相文訣

三祀閏餘之月梅山蔡建侯行父謹序以之相文訣
證卽此本之序而今失去耳元本蓋從之出也

變其從同殘本迂齋先生標注崇古文訣每半葉十
二行每行廿三字所存首至卷八又卷十

五至末又鈔補四卷元二十卷之中仍少十二十四
兩卷有一印文曰吳郡西崦朱未榮書畫印又有未

榮西崦各一印吾郡明初之藏書者也頗不經見文
訣藉此增重矣予嘗欲搜訪藏書家起元明之交終

於所聞見各撰小傳合編一集然後如未榮者歷要
或不致有名氏翳如之歎此亦好古者之責也

矜於所獨三厯撮要一卷每半葉十行每行十九字
竹汀錢少詹觀之曰所引萬通百忌萬年

具注集聖廣聖諸書皆選擇家言司天監據以鋪注
頌朔者也劉德成方搯仲汪德昭倪和甫蓋當時術

數之士今無能舉其姓名者矣子謂陰陽伎術之書
本易亡失集聖歷四卷宋楊可撰載晁志百忌歷二
卷稱唐呂才撰載陳錄今皆未見此歷亦載陳錄云
一卷無名氏又一本名擇日撮要歷大略皆同建安
徐清波宜翁云其尊人尚書公應龍所輯不欲著名
今子所得即真齋著錄之本也外間絕未聞有傳之
者以及硯石南宮米芾硯史一卷每半葉十一行每
遺集之一種也錢嘗收得書法道人陳思書小史十
完本今轉徙未詳所歸
行每行廿字宋槧起卷第六其以上毛氏鈔本補足
有天台謝愈修序稱道人趣尚之雅編類之勤云云
忘憂清樂忘憂清樂集不分卷板有上中下小數行
譜二卷非也書錄解題云忘憂清樂集一卷基待詔
李逸民撰集即此又考讀書志云忘憂清樂集三卷宋朝
劉仲甫編故此集首題曰前御書院基待詔李逸民
重編也上中下小數豈記劉之舊第耶特拈出正之
梅花喜神就實圖形百各系以五言斷句景定辛酉

金華雙桂堂重鉅此書亦載足本敏求記子辛西北
游得之琉璃殿伯仁字器之湖州人江湖小集載其
雪岩吟草歷官事行大略可見然世之知有此人此
書者鮮矣其初刻在嘉熙戊戌者今當不復可得
夷堅片甲字所存一至三又七八凡五卷又殘本支
王每半葉十行每行十八字所存三至十凡八卷支
癸所存一至八凡八卷合兩刻僅廿一卷而已文惠
元書共四百二十類說一鱗殘本類說每半葉十行
卷此缺損已甚矣類說一鱗每行十六字所存序及
仇池筆記遜齋閒覽東軒筆錄而已序末署紹興六
年四月望日溫陵曾慥引汲古閣秘本目云宋板類
說真本首册卽此莫不附驥而服上駟在御而充下
也讀書志六十卷陳自其餘又有以下居士總無慮而筭目頗踰數而
多閏本通數所賦不數重嗜遑遑其靡厭挹兼箱於劣
僅馳香嚴與芳茱思計日而取僂範居室於衛荆姑

掩而一慙

香嚴吾友同郡周君錫瓚書屋名其家宋槧有殘本太平御覽等芳采歸安嚴

君元照之堂也

君字九能居士與之稔爲子言其宋

紫儀禮要義等右皆銘心絕品爲之形於夢寐者也

居士既成此賦子旋得御覽矣又別得紹興本管子

洪氏集驗方秦隱君詩殘本幼幼新書揮塵錄前錄

殘小字本三蘇文粹殘本續資治通鑑節要皇朝中

興繫年要錄節要殘本王逸注楚辭衛湜禮記集說

錢佃本荀子注殘本資治通鑑李善注文選殘本東

都事略史載方韓文考與李復言續幽怪錄之屬凡

數十種倘符掩而之頌其請居於是撰江夏之別錄

士爲後賦乎而二百也見說文

彙無雙而作固要擇精而語詳竭兩端於我叩推尙

友於延令覈名實之不售置敏求以絕塵肯卑之而

或糅

子思撰所藏書錄專論各本以宋槧一元槧二毛鈔三舊鈔四雜舊刻五分列今宋槧粗就矣

昔人書目未有題以宋板者有之自延令季氏始但其目後仍廁他刻此區區之未盡慙心者也讀書敏

求記則凡宋元鈔刻雜樣並陳又或騁其行文之且便一槩略去弗言致令不可識別尤不能無憾耳

其造部福帙

福卽副貳字顏氏匡謬正俗詳之矣

千積萬贏甄綜近時

陶鑄元明亦嘗雲而仍之至其遐稽幽討鉅豪撓芒

測量中古傳聞漢唐固已高而曾之得其大則存亡

起廢懔惑條紛炙轂賢路擁籌聖門得其小則博物

所效多聞攸資秘帳助談閨市立師是故上徹下通

鉅函細入交讀藏以成其善此百宋之所以莫能及

也

存亡者晦而仍出也起廢者壞而復善也懔惑者疑而取決也條紛者亂而獲理也四者居宋槧之大端矣聖賢經傳乃賴之以不墜其爲

用亦鉅矣哉故博物多聞猶其小者耳夫洞庭廣樂

豈齊響於鼉蛟豐人杼首焉偶形於么麼狂簡不知

所裁識者燭其弗可而況顛倒白黑錯亂是非予兔
園以徇曲奪鴻寶以挾私亦猶折衡而揣輕重踣表
而擬高卑必倍勞而倍拙不足哈而足悲用是略抒
揚摧粗陳梗槩冀蘇重性之久迷請覺馳繆之常寐
倘欲極其精微窮其博大逐字洞其癥結每篇斷其
凡最鑢碎卒業竟壽畢世非僕倦談所能一二者也
居士之言未終客乃氣索神沮手頽不能畫舌強不
能語忘乎其所詰失乎其所據倣罔靡徙遷延而去
於是主人曰善願因筆墨次第厥詞荅難應聞終身
誦之

始予請居士撰藏書賦在己未庚申間許而未
爲也後以今名重請迨甲子冬杪此賦方就時

居士教讀於廬州府晉江張太守所又明年乙丑春
手書其藁見寄及秋居士以將往山東應孫淵如先
生之招而歸家省母然後行適余
注賦竟遂仍相商推定之如右也

思適齋集卷一終